

أرجوك لا تنصرف | د. أحمد عبد المنعم

أحمد عبد المنعم

لله وحده الصلاة والسلام على من لا نبي بعده محمد صلى الله عليه وسلم باذن الله عز وجل آآ اليوم ان شاء الله هناخذ آآ حديث من احاديث النبي صلى الله عليه وسلم - 00:00:00

نتأمل ما فيه من عظات وعبرة ومسألة ان تزكية او التربية او الانسان حسن من اخلاقه ومن افعاله عن طريق الوحي. نزل الوحي ليهذب النفوس والمفروض لما نتزكى نتغير بالقرآن وبالسنة - 00:00:21

قدر المستطاع ممكن كل فترة ناخذ حديث من احاديث النبي صلى الله عليه وسلم خاصة الاحاديث الجامعة في الفاظ للنبي صلى الله عليه وسلم. طبعاً النبي صلى الله عليه وسلم اوتي جوامع الكلمة - 00:00:42

في احاديث بتصلح كقواعد عامة في احاديث قيلت في مواضع خاصة في احاديث قيلت كقواعد عامة من ذلك قصص النبي صلى الله عليه وسلم والامثلة النبوية مواقف معينة لذلك في احاديث - 00:00:57

المفروض الانسان يتربى عليها ويتزكى بها. وتكون في الطرح التربوي الافراد من خلال سواء كتاب ربنا سبحانه وتعالى من مواضع في القرآن. او الطرح من خلال سنة النبي صلى الله عليه وسلم. زي حديث الثلاثة والصخرة - 00:01:15

غلام الاخدود حديث اه السلاسة الاقرع والابرص والاعمى اللي اتاهم الله عز وجل المال ابتلاء لهم. احاديث من الامثلة النبي صلى الله عليه وسلم امثلة عن الدنيا للمؤمن سواء كان نحلة او النحلة نحلة ثورية مرفوعاً او موقوفاً عن النبي صلى الله عليه وسلم.

الشاهد احاديث كثيرة وبعض المؤلفين خصوصاً بعض الاحاديث بالتأليف فيها - 00:01:33

بحيس ان الانسان نستفيد من هذه الاحاديث. معنا حديث النهاردة من احاديث النبي صلى الله عليه وسلم نستفيد منه بعض

المواقف التربوية واسقاطات في واقعنا آآ في العمل لنصرة دين الله سبحانه وتعالى. الحديث في البخاري - 00:01:56

باب العلم نقرأ الى حديث نقرأ الحديث اولاً وبعدين ايه نحاول نشوف الفوائد من هذا الحديث عن ابي وقر الليثي رضي الله عنه ان رسول الله صلى الله عليه وسلم صلوا عليه كان رسول الله صلى الله عليه وسلم بينما هو جالس في المسجد - 00:02:11

والناس معه اذ اقبل ثلاثة نفر فاقبل اثنان الى رسول الله صلى الله عليه وسلم وذهب واحد قال الراوي فوقف على رسول الله صلى الله عليه وسلم فاما احدهما فرأى فرجة في الحلقة - 00:02:28

او في الحلقة ان كان الاكثر على انها فرأى فرجة في الحلقة المجلس بتاع النبي صلى الله عليه وسلم واحد شاف فرجة فجلس فيها واما الاخر فجلس خلفه. قعد في اخر الليل - 00:02:50

واما الثالث فادبر ذاهبة فلما فرغ رسول الله صلى الله عليه وسلم النبي صلى الله عليه وسلم كان بيكلم الصحابة لما انتهى فقال النبي صلى الله عليه وسلم النبي صلى الله عليه وسلم ما عداش الموقف ده - 00:03:04

ثلاثة جم واحد دور على مكان وقعد واحد وقف في الاخر وقعد واحد مشي موقف ممكن يكون عابر النبي صلى الله عليه وسلم وهو يربي اصحابه ويعلم اصحابه استغل الموقف وقال للصحابة ايه؟ الا اخبركم عن النظر الثلاثة - 00:03:16

بما ان الموقف ده النبي صلى الله عليه وسلم ما عداهوش وقف معه النبي صلى الله عليه وسلم احنا برضو عايزين نقف مع الموقف ده. فقال النبي صلى الله عليه وسلم صلوا عليه - 00:03:35

الا اخبركم عن نفر الثلاثة؟ اقول لكم حكاية نفر الثلاثة اما احدهم فاوى الى الله او فاوى الى الله فاواه الله واما الاخر فاستحيا فاستحيا الله منه واما الاخر اللي هو التالت فاعرض فاعرض الله عنه - 00:03:47

الاول اوى الى الله فاواه الله. والثاني استحيا فاستحيا الله منه. والآخر الثالث فاعرض فاعرض الله عنه. احنا عايزين نقف وقفات مع الحديث ده وازاي النبي صلى الله عليه وسلم موقف زي ده - [00:04:06](#)

ما اعتبروش النبي صلى الله عليه وسلم مجرد موقف عابر في درس اعتبروا انه ممكن يبقى سلوك حياة. ويترتب عليه معاملة من الله عز وجل. ان احيانا طريقة معاملتك مع الصلاة سواء بالاقبال او اللامبالاة - [00:04:23](#)

طريقة معاملتك مع دروس العلم. طريقتك معاملتك مع بيئة الايمان. مع الفرص الايمانية اللي بتعرض عليك. طريقة معاملتك دي ممكن تمثل سلوك حياة وتمسل ايضا معاملة الله عز وجل لك - [00:04:37](#)

بدأ الحديث عن ابي وقر الليثي ان رسول الله صلى الله عليه وسلم بينما هو جالس في المسجد يبقى لازم لابد ان المربي او الداعية يبقى له وقت يمكثه في المسجد. لما الناس تعوزه تلاقيه في المسجد دايمًا كثير من احاديث - [00:04:51](#)

صحابه النبي صلى الله عليه وسلم ان صحابي يكون محتاج النبي صلى الله عليه وسلم في اول مكان يفكر يروح للنبي صلى الله عليه وسلم يروح له فين؟ في المسجد. قبل ما يروح البيت يروح الاول يبص - [00:05:08](#)

على الايه على المسجد ما لقهوش في المسجد يبدأ يسأل خير وخاصة في الاوقات اللي كان بيملك فيها النبي صلى الله عليه وسلم ايه؟ في المسجد. يبقى دور المسجد وتعظيم دور المسجد لابد انه يعظم. ويرجع يكون هو المدرسة الاولى - [00:05:18](#)

للتربية وفي فضائل كثير فيه مجرد المكث في المسجد. يعني انت صليت المغرب وتستنى العشاء انتظر الصلاة ده النبي صلى الله عليه وسلم بيسميه الرباط مجرد انك تجاهد نفسك على الايه - [00:05:33](#)

المكس في مسجون واحد يقول لك طب وانا اقعد في المسجد يعني طب ما ممكن اقوم اعمل اي حاجة تانية. لو في خير اخر اعمله لكن مجرد المكث في المسجد ومجاهدة نفسك انك تقعد اطول وقت ممكن - [00:05:50](#)

في المسجد يا رباط كانك بتجاهد نفسك انك تمكث في المسجد. فالنبي صلى الله عليه وسلم قاعد في المسجد والناس معه طالما النبي صلى الله عليه وسلم قاعد في المسجد يبقى بيعلمهم - [00:06:02](#)

او بيتعبد وهم يتأسون به. يعني مش كل مجلس النبي صلى الله عليه وسلم مش كل مجالسه ان هو بيتكلم وهو بيسمعه. ممكن كان النبي صلى الله عليه وسلم احيانا في المجلس - [00:06:14](#)

ايه؟ يستغفر كانوا يقولوا كنا نعد للنبي صلى الله عليه وسلم في المجلس الواحد للاستغفار مائة مرة يبقى ممكن وهم قاعدين والنبي صلى الله عليه وسلم قاعد بيعمل ايه استغفر الله استغفر الله - [00:06:24](#)

استغفر الله. يبقى التعليم مش لازم بمجرد الكلام. ممكن بالعمل. النبي صلى الله عليه وسلم ممكن كان يقوم يصلي القيام فيجوا في رمضان يلاقوه يصلي قيام فيأثم به وخش النبي صلى الله عليه وسلم يكرر ذلك حتى لا تفرض عليهم الايه؟ التراويح. الشاهد ان التعليم ممكن يكون بالكلام او بالعمل - [00:06:39](#)

والناس معه اذ اقبل ثلاثة نفر معنى ان الثلاثة جم يبقى الثلاثة في اول لحزة كانوا جايبين رغبة الثلاثة كان عندهم رغبة للتعلم المجلس النبي صلى الله عليه وسلم. يعني التالت اللي مشي ده - [00:06:59](#)

اول لما جه كان في بداية الرغبة ان هو عايز يتعلم. لكن في زروف منعه انه يكمل فمشي. يعني هو مش جاي ناوي انه يمشي هو جاي عزيمة ضعيفة هو جاي نيته مش قوية. انما من الاول هو كان جاي عشان يتعلم - [00:07:14](#)

يبقى اذ اقبل الثلاثة يبقى الاول ان الثلاثة كانوا جايبين النبي صلى الله عليه وسلم قاعد في مسجد بيعلم اصحابه جه ثلاثة الثلاثة اقبلوا فبيقول الراوي فأقبل اثنان وذهب واحد - [00:07:32](#)

بيقولوا يعني هل كده في نوعين من الاقبال؟ قال لك اه الاول هم جم لقوا المجلس من بعيد كده فقربوا الثلاثة. لما قربوا الثلاثة واحد شاف المنزر كده من حس ان الموضوع زحمة وهيبقى فيه تعب ولسه هيطولوا - [00:07:47](#)

والقاعدة بقى هتطول قام ماشي يعني من بعيد كده في واحد بياخذ قرار في العمل للدين او في نصرة الدين او حتى في اعمال الدين بياخذ قرار بدري انه يمشي والعياذ بالله - [00:08:04](#)

اللي هو زي ما ربنا سبحانه وتعالى قال افرايت الذي تولى واعطى قليلا واكده هو من الاول داخل اعطى ايه اعطى قليلا من الاول داخل شكله مش ناوي يكمل. فيه واحد داخل كده بيتلكك عشان يمشي. يدخل مسلا يصلي - [00:08:20](#)

حد يضايقه والله ما انا داخل المسجد ثاني هو من الاول داخل ايه بيتلكك حد ليه يا عم ما بتجيش اصل هو اللي بيقف جنبى بيدوس على صابعي الصغير. طب وانت هتسيب الصلاة في المسجد عشان صابك الصغير - [00:08:38](#)

اللي هو فيه ناس بتلكك عشان ايه ؟ عشان تمشي من المسجد عشان تمشي من الطاعة عشان تمشي من العمل للدين دي ما بتدعوش الى الله اصل انا في مرة مش عارف حد قال لي كلمة ضايقتني - [00:08:51](#)

هو قاعد يفكر على اي عذر انه يمشي لان من الاول نيته مش ايه ؟ مش قوية. فيقول الراوي اقبل اثنان وذهب واحد. اما احدهما الاولاني عمل ايه ؟ شف بقى النبي صلى الله عليه وسلم - [00:09:06](#)

آآ المشهد اللي شافه ده زي ما قلنا بيعرفنا ان ده ممكن يبقى سلوك حياة الناس بتتصرف ازاى المقبلين احنا لغاية دلوقتي بنتكلم على الياه ؟ على المقبلين على الدين. ان في ثلاثة اقبلوا على الدين. يعني الحديث ده ما بيتكلمش من - [00:09:23](#)

الاول عن المعرض اساسا لأ ده بيتكلم عن ثلاثة اقبلوا في مجلس للنبي صلى الله عليه وسلم سلوكهم بيختلف. يعني الثلاثة ملتزمين بتعبير المعاصر ثلاثة عايزين دين لكن تصرفاتهم بتختلف حسب الواقع اللي بيشفوه - [00:09:37](#)

يبقى ممكن ثلاثة كانوا اصحاب والثلاثة قرروا يسيبوا المعاصي ويمشوا في طريق الالتزام. لكن سلوكهم بيختلف حسب الواقع اللي بيشفوه ممكن واحد من الاول يتصدم في واقع زميلي يقوم ماشي يقول لك لا يا عم ده طلعا وحشين ويمشي - [00:09:57](#)

ونشوف بقى التانيين بيعملوا ايه يعني الحديث مش بيتكلم عن اللي معرض اساسا واللي ما بيصليش واللي ما بيجيش لأ ده ثلاثة اقبلوا على مسجد النبي صلى الله عليه وسلم. وفي حلقة من حلقات الياه ؟ العلم - [00:10:13](#)

او حلقة من حلقات العيد اقبل اثنان وذهب واحد. فوقف على رسول الله صلى الله عليه وسلم. وقفوا كده يبصوا. اللتين بقى. التالت وقف بعيد كده لقي المشهد زحمة قام ماشي على طول - [00:10:25](#)

وهنتكلم عنه التالت فقال روي اما احدهما عمل ايه ؟ فرأى فرجة في الحلقة قعد يدور مكان فاضي كده ايه قدام. فقعد يحاول لغاية لما وصل للمكان الفاضي. ده يدل ان المكان كان زحمة. ده يدل ان المكان كان ايه - [00:10:37](#)

كان في زحام حول النبي صلى الله عليه وسلم. وكان في اقبال لسماع كلام النبي صلى الله عليه وسلم فرأى فرجة لقي حطة فاضية كده وكانوا قاعدين عشان قالوا يستحب ان اللي في مجالس العلم يكون حلقات ويكون فيه تقارب مش زي ما احنا قاعدين كده. لا يستحب ان يكون ايه ؟ فيه تقارب زي ما النبي صلى الله عليه وسلم كان بيقول له - [00:10:56](#)

او بيروي عن اصحابه وسلم كانوا اذا جلسوا مجلس لو بسط عليهم رداء واحد لغطاهم كلهم الشاهد فرأى فرجة لها حطة فاضية في الحلقة فراح لغاية لما وصل لها وجلس فيه - [00:11:15](#)

الثاني بص كده مش عارف مش لاقى فرجة ومكسوف يدور او يسأل او يقول لحد. ففضل واقف مكسوف يعمل ايه وفي رواية انه كان همي انه هيمشي ما هو مكسوف مش لاقى مكان. ففي الآخر قال لأ. استحيا ان - [00:11:31](#)

يعرض عن مجلس فيه النبي صلى الله عليه وسلم. فقام جالس في اخر مكان في المسجد وقعد وراهم كلهم. ما لقاش مكان في الحلقات النبي صلى الله عليه وسلم فقعد وراهم. واما الآخر فجلس خلفهم. واما الثالث التالت لقي المنزر كده وزحمة. انا اتعب نفسي ليه فادبر ايه - [00:11:53](#)

ذاهبا وقام ماشي فلما فرغ رسول الله صلى الله عليه وسلم النبي صلى الله عليه وسلم ايه ما قالش اول لما جم استنى عشان ما يتحطوش في موقف محرج خلص الحديث خالص فقال النبي صلى الله عليه وسلم الا اخبركم عن المثل الثلاثة - [00:12:11](#)

اما احدهم الاولاني فاوى الى الله فاوى الله. تعالوا نقف مع الاول بقى شوية الاول اللي جاي عايز طريق الالتزام فيه ناس ربنا سبحانه وتعالى بيديها القدرة هي تفكر عارف الشخص اللي احنا بنقول عليه في تعبيرنا حرك - [00:12:28](#)

بيعرف يدور على صخور بيروح يسأل هو التحفيز فين عشان عايز احفز قرآن عايز اتعلم دعوة عايز ابقى امام عايز ازن عايز اتعلم

ان انا امسك حاجة صغر من صغور الدين. عايز اتعلم اي حاجة اعمل بها دين ربنا. ويسأل ويدور على اي مكان ثغر فاضي للدين -

[00:12:47](#)

فزي ما هو الاولاني دور على فرجة. فرجة يعني حنة فاضية في الصف. فرجة في الحلقات. لغاية لما وصل لها حتى بيقولوا زاحم بيقولوا زاحم حتى يصل اليها لذلك قالوا يستحب المزاحمة في ابواب الخيرات. انك انت تزاحم عشان تزاحم. طبعاً بدون ازي. تزاحم

لباب الخيرات. لذلك - [00:13:06](#)

يسن المزاحمة على الصف الاول والاقتراع على الصف الاول. مش الناس تزهد عنه؟ لأ نتنافس في واحد دي نفسيته عنده قدرة انه يدور ويروح ويسأل ومش مكشوف. ايه يعني لما يروح يسأل اول شيخ والشيخ ما يعبروش يروح ثاني يروح لشيخ ثاني يروح يحفز

- [00:13:30](#)

واللي بيحي يسمع له ما يجيش يروح يدور على واحد ثاني. ويدور على مسجد ثاني. بيحي يقعد جلسة ضحى في مسجد يمشوه.

يروح يدور على مسجد ثاني بيدور يروح يحضر درس يتلغى يروح يدور على درس ثاني. فيه واحد قاعد بيبحث عن اي فرجة

ليجلس فيها. عن ثغر يخدم به الدين - [00:13:49](#)

في بداية التزامك ما انتاش عارف ممكن تخدم الدين بايه انت ممكن في الدنيا دورت لما شبع لغاية لما لقيت لك كلية وبعدين

وظيفة او اشتغلت شغلانة شفت شغلانة مناسبة لك - [00:14:09](#)

طب في الدين اعمل ايه؟ سؤال ناس كتير بتسأله اعمل ايه في دين ربنا؟ ممكن ما تلاقيش واحد يقول لك انت اعمل كذا يعني احياناً

احياناً كان النبي صلى الله عليه وسلم يقول لبعض الصحابة انت اتعلم لغة عشان ترد على القوم الاخرين - [00:14:21](#)

وانت روح السارية الفلانية وانت اتعلم القرآن وتعلمه للناس في احياناً خزل عنا ما استطعت. النبي صلى الله عليه وسلم يقول له

اعمل حاجة. دور على حاجة اعملها. ما اعرفش. دور - [00:14:40](#)

اجتهد بحيس ان مش لازم كل واحد حد يقول له اعمل كذا. انت دور فاللي يحي دور على حاجة يعملها للدين. فيه واحد زي ما قلنا

شخصيته بتساعده انه يعمل كده - [00:14:56](#)

الراجل ده بحث عن ايه؟ بحث عن فرجة في الصف يعني ايه فرجة مكان فاضي في الدين بيسده انك بتبحس عن السغر اللي فاضي

مش مش دورك مش انت عايز تقوم حد وتقعده مكانه وخلص في الدين - [00:15:09](#)

عايز تبقى زي فلان او داخل الدين عايز تبقى زي فلان آه انا عايز ابقى زي فلان. طب واستفادنا ايه انك تبقى زي فلان؟ هيبقى عندنا

فلانين يعني احنا عايزين تسد سغر فاضي في الدين. لو الدعوة الفردية فاضية تسدها. الدعوة الجماعية الامر بالمعروف والنهي عن

المنكر. التعليم التعلم تحفيظ القرآن - [00:15:24](#)

حفز القرآن دور على مكان فاضي وسده ابحت عن فرجة كل صخور الدين الان مفتوحة يعني احنا محتاجين كل الناس لسد صغور

الدين. كل صغور اي ثغر الان من صغور الدين محتاجين فيه ناس - [00:15:42](#)

ابحت عن فرجة. فالراجل ده دور على ايه؟ بحث عن فرجة في الصف دور على مكان في الصف عشان يروح يجلس فيه ما قومش

حد عشان يقعد مكانه. مش داخل من الاول ينازع الموجودين. لأ داخل يساعد العاملين - [00:16:01](#)

هو مش داخل من الاول ينازع انه عايز ايه يدي لفلان كتفه ويبقى مكانه او يضرب في فلان او يشتم في فلان لأ هو داخل بيشوف

الدين محتاج ايه وانا اعمله - [00:16:19](#)

شوف قالوا يستحب زي آآ العلماء قالوا ان الحديث ده زي ما يستحب اتمام صفوف الصلاة يستحب اتمام الحلقات في العلم. انك لما

تلاقي مكان حلقة العلم فاضي تيجي تسد المكان ده - [00:16:31](#)

وزي ما الشياطين بتدخل ما بين المصلين لو فيه مكان فاضي كذلك لما بيبقى فيه صخور فاضية في الدين الشياطين بتدخل منها.

ثاني المعنى ده مهم زي ما واحنا واقفين في الصلاة ليه يستحب ان احنا نسد الفرجة في الصلاة - [00:16:46](#)

الشياطين بتدخل منها فالمفروض المؤمنين كل ما يبقوا صف متماسك كل ما الشياطين ما تعرفش تدخل ما بينهم. وبالتالي ما

تعرفش تفرق بينهم. والتحريش بينهم يقل لو في صخور فاضية في الدين - 00:17:04

في صهور فاضية عندنا في الدين. هيصصل تنازع لان كل ما نترك جزء من الدين كل ما يحصل خلاف بينا في الدين قول الله عز وجل فلما نسوا حظا مما ذكروا به - 00:17:20

اغرينا بينهم الايه؟ العداوة والبغضاء. وشيخ الاسلام دايمما بيذكر الاية دي اني على قدر ناس وحزا من الدين لما تسبب جزء من الدين على قدر العداوة والاياه والبغضاء ده اللي بيحصل ان جزء من الناس يقول لك بس العلم الشرعي اهم حاجة. واحد يقول لك لا الجهاد اهم حاجة. واحد يقول لا التعليم مثلا. واحد يقول لا - 00:17:38

دعوة فكل واحد يختار جزء من الدين ويمسك فيه ويحصل فجوات بين الناس دي وبعضها. لذك شف قول الله عز وجل في سورة التوبة فلولا نفر من كل فرقة منهم طائفة - 00:18:01

يتفقهوا في الدين وليندروا قومهم اذا رجعوا اليهم لعلهم ايه لعلهم يحذرون فلولا ها نفروا من كل فرقة منهم طائفة. يبقى اول فعل عندنا في الاية ايه؟ نفر. فلولا نفر من كل فرقة منهم طائفة. ليه - 00:18:17

يتفقهوا في الدين وليندروا قومهم اذا ايه اذا رجعوا يبقى رجعوا وبعدين ايه؟ يندروا. يبقى عندنا اربع افعال نفر فتفقه فرجع فانذر قومه. يبقى عندنا اربع افعال بالترتيب كده في الاية. ان جزء ينفر - 00:18:40

ينفر يعني ايه؟ النفر الحركة السريعة ان محتاجين حد الان يعمل لنا مكة التحفيز محتاجين حد الان يتخصص في علم من العلوم الشرعية. محتاجين حد يدرس لغة اجنبية يرد بها على الشبهات. محتاجين حد الان يأمر بالمعروف والنهي عن المنكر - 00:19:02 يخرج اول حاجة النفر ان ده استجابة فورية لسد الثغر. يبقى اول فعل في الآية فلولا ايه؟ نفر من كل فرقة منهم طائفة ليتفقهوا في الدين. بيخرج طائفة تزداد تفقها في الدين. العجيب ان المفسرين قالوا ان معنى الاية - 00:19:20

اختلفوا على قولين ان الفرقة اللي خرجت نفرت عشان تفقه في الدين. بعضهم قال دول اللي راحوا يجاهدوا بعضهم قال لا دول اللي راحوا يطلبوا العلم يبقى اللي راح لثغر حركي او راح لصغر علمي اللاتنين بيستفادوا - 00:19:41

اللاتنين بيستفادوا فوايد. ده بيستفيد وده بيستفيد وقالوا ان المجاهد اللي بيخرج يعمل الدين يرى من ايات الله لنصرة العاملين. طول ما انت قاعد بتتكلم انت ما شفتش ربنا بيعاملك ازاى - 00:20:00

لما تخرج وتشتغل في الدعوة بتري من ايات الله. انت بتشوف بقى مش بتقرأ بتري من ايات الله كيف يعامل الله عز وجل العاملين لنصرة دينه ما ترجع تكلم الناس تقول لهم الله عز وجل يفعل كذا وكذا وكذا - 00:20:14

يبقى اول حاجة الفعل الاول في الاية نفر الفعل الثاني في الثاني يتفقه احنا ممكن اجزاء مننا بتطبق اللاتنين دول. لان فعلا فيه ناس بتروح تتعلم حاجة وبتستفاد فعلا لكن المشكلة بقى نيجي بعد كده انه ما بيرجعش رجعوا الى قومهم. ما فيش مكان نتجمع فيه نعلم بعض اللي احنا اتعلمناه. بيحصل بينا قطيع - 00:20:30

بيحصل بينا فجوات نحتاج الى سد هذه الفجوات. نحتاج الى بناء هذه الجسور بين المسلمين فاصبح في قطيعة ان كل فرقة الان هي فرحانة ان هي متميزة في صغر وفي قطيعة - 00:20:53

في قطيعة من اللي بيتعلم العلم وبين المعروف والنهي عن المنكر وبين بتاع الدعوة وبتاع الواقع الحركي وبتاع الجهاد اصبح فيه قطيعة الان بين المسلمين. كل واحد فرحان كل حزب - 00:21:10

بما لديهم ايه؟ فرحون. فرحان انه اتعلم حاجة. ما بيكملش ممكن فيه جزء مننا بينفر. جزء مننا بيّفقه لكن ما فيش بقى رجع فينذر قومه فبالتالي ما بيحذرش ويحصل القطيعة. فالراجل ده هنا عندنا في الحديث بحث عن فرجة ليسدها - 00:21:20

عايزك تدور على جزء فاضي في الدين تسده انك انت تقول انا اكفيكم هذا الثغر. لن تؤتون من لن تؤتوا من قبلي ما حدش هيدخل من من المكان ده. طالما انا واقف هنا انا مسئول عن المسجد. انا مسئول عن التحفيز. انا مسئول عن الدعوة. انا مسئول عن كذا في مكان كذا - 00:21:40

اختار حاجة الراجل ده استطاع بتوفيقه من الله انه يبحث عن فرجة ويدور لغاية لما راح وزاحم حتى وصل زي ما قلنا في

شخصيات ربنا اداها القدرة ان هي تعمل كده. ان هي تدور وتبحس وتسأل - 00:22:02

اعمل ايه؟ افيد الدين ازاي؟ لغاية لما ربنا يبسر له لانه اقبل على الله عز وجل وزي التعبير هنا بيقول ايه؟ النبي صلى الله عليه وسلم قال ايه؟ اما الاول فايه - 00:22:21

فاوى الى الله احساس انك انت من غير ثغر في الدين او من غير انك تعمل للدين انت ما لكش مأوى اوى الى الله. احساس ان ثغرك اللي بتنصر في الدين ده مأواك مش العكس. يعني مش انت بتخرج من بيتك تروح تنصر الدين وبعدين تأوي لبيتك لأ. ده انت بتأوي - 00:22:30

الى الثغر بتاعك حتى لو ثغر تعبدي بتأوي الى ثغر وتخرج تمارس حياتك وبعدين ترجعي الى مأواك. لا تشعر بالطمأنينة الا وانت تعمل للدين. مش العكس اوى الى الله في التعبير فاواه الله - 00:22:56

انك انت احساسك انك لما اخيرا تلاقي حاجة تخدم بها الدين فتأوي بلكك. مش تدخل تقدم اعطى قليلا وجدة لا تأوي بلكك لنصرة الدين من هذا المجال مش داخل كده بتدي فتات الاوقات لنصرة الدين - 00:23:14

وتدي بعض اوقات لنصر الدين. لأ اوى الى الله. واللي بيعمل كده ربنا ما بيضيعوش ابدأ. ابدأ. ربنا سبحانه وتعالى بيقبله فاوى الى الله فاواه الله. اوى الى ركن شديد سبحانه وتعالى. خلاص - 00:23:31

يؤويه الله عز وجل زي الفتية لما اول الكهف كده. قالوا ربنا اتنا من لدنك رحمة وهيه لنا من امرنا رشد لما اووا الى الله عز وجل اواهم الله الاولاني - 00:23:49

عنده ربنا اتاه القدرة انه يبمحس ويدور ويزاحم لقي فرجة حاول يسدها بزل مجهود عشان يوصل لها اوى الى الله فاواه الله. كان ممكن يقف يقول ايه؟ مش لاقى مكان. طب اعمل ايه؟ انا ماشي. لما تبقوا تلاقوا مكان يبقوا نادوا علي. لما تحتاجوني - 00:24:03
يبقوا نادوا علي في الدين. في ناس تتعامل مع الدين كده. يقول لك ما اصل انا ما حدش قال لي اعمل حاجة لي احد اصدقائي مريت ببلاء كده ابني كان مريض - 00:24:22

فنقوم ايه واحد صاحبي يتصل بيا يقول لي محتاج حاجة اقول له لأ شكرا واحد صاحبي تاني جه فضل واقف معي. طول ما وقف معي اكتشف ان انا كنت محتاج دواء من كذا. كنت محتاج كذا - 00:24:36

طول ما واقف جنبني اكتشف ان انا كنت محتاج حاجات هو قال لي صاحبي ده قال لي كان واقف قال لي انا والدي قال لي والده نصحه نصيحة لما حد يكون في مشكلة ما تتصلش به تقول له انت محتاج ايه. رح اقعد جنبه وانت تعرف هو محتاج ايه - 00:24:48

اه في الدين كده ما تقولش لما تعوزوا ابقوا كلمتين. رح اقعد في بيت الايمان وانت تعرف الدين محتاج ايه. طول ما انت برة بيت الايمان ما انتاش عارف الدين محتاج ايه - 00:25:05

ما انتاش عارف انت ما بتقعدش في المسجد. ما انتاش عارف المسجد محتاج ايه ما بتروحش لخوانك تزورهم. ما انتاش عارف هم محتاجين ايه. مش عارف مش متابع واقع المسلمين. يبقى انت ما انتاش عارف واقع المسلمين محتاج ايه. انت طول ما انت بعيد حاسس ان الدنيا - 00:25:16

زي الفل وكويسة مش محتاجيني في حاجة طب سلام عليكم. اشوف انا بقى حالي طول ما انت جوة طول ما انت جوة واقع الدين طول ما انت تعرف الدين محتاج ايه - 00:25:30

سبحان الله! من تقرب الي شبرا تقربت اليه ذراعا. انت الطريق لربنا ما بيظهرش كامل من اول لحظة. لا خطوات انت الاول بتمشي شبر يزهر لك جزء فتمشي فيزهر لك جزء. وده الطريق الى الله عز وجل - 00:25:41

مش انك انت عايز لأ انا مش هامشي خطوة الا اما حد يعرفني من اول لحظة هامشي فيها في الدين لغاية التمكين او لغاية لما اموت ايه اللي هيحصل. لأ ما نعرفش. انت بتعامل ربنا مش بتعامل البشر - 00:25:56

وفي الطريق ده لك علاقة مع الله سبحانه وتعالى. تاخذ خطوة ربنا يفتح لك اللي بعدها على قدر الصدق والاخلاص في الخطوة

الاولانية على قدر الفتح في الخطوة الثانية الاول بحث عن فرجة - [00:26:11](#)

مزامح حتى وصل اليه. فقال النبي صلى الله عليه وسلم الاول ده افضل اختيار اوى الى الله فاواه الله. تبس عن ثغر وبعدين انت لما بتقعد في الفرجة ديت انت بتستفاد اكثر من حاجة. اولاً بتسد الصف بين المسلمين فبتمنع دخول الشياطين - [00:26:24](#)

بتقيم جسور بين العاملين للدين فبتمنع دخول طيور الظلام بين الناس وتوقعه النقطة الثانية انت بتستفاد مش بس اللي اخوانك بيستفادوا انك بتبقى محاط باخوانك يأكل الذئب من الغنم الايه - [00:26:43](#)

القصير اللي بعيد لما تبقى انت قاعد وجنبك اخوك وجنبك اخوك قدامك اخوك وراك اخوك خلاص الشيطان ما يعرفش ما يعرفش يأكلك ما يعرفش يفتالك انت بتجلس في فرجة فتصبح محاط باخوانك - [00:26:57](#)

دايماً البعيد عن واقع الدين وبيئة الالتزام. ومش وما يعرفش اخوة بيصلوا الفجر يصحوه ما يعرفش ناس بتحفظ قرآن ما يعرفش ناس بتدعو ما يعرفش ناس بتتعلم ده سهل انه يتخطف. حتى لو كان هو ناوي بجد - [00:27:11](#)

وكان عايز ده سهل انه يتخطف لما يبعد عن بيئة الايمان فسهل انه يتخطف كثير من اللي بعد عن بيئة الايمان سواء اختيارا او اضطرارا والعياذ بالله آآ قلنا الاول - [00:27:27](#)

لازم تبحت عن صخر نبس عن فرجة احنا بنتكلم عن الناس اللي جت اتنين ثلاثة جملة دين. الاول قعد يدور على مكان في الصف عشان يقعد فيه. دور على مكان فاضي ما نزعش اللي قاعدين ما قومش واحد. ابس عن سغرة - [00:27:46](#)

تسد ابس خذل عنا ما استطعت. كل الصغور الان مفتوحة خليك محاط باخوانك قيم الجسور بين العاملين الديني. لما تقعد في مكان ما تفصلش بين ده وبين ده انت اما بتيجي بتصلي في مكان وبعد الصلاة في اخر الصلاة بتقول ايه؟ السلام عليكم السلام عليكم - [00:28:04](#)

بتفشي السلام بين الصف الصف كله كأنه بيسلم على بعضه خلاص انت بقيت تلقي السلام على اليمين وعلى اليسار. انت ايه اصبحت سلاما المكان ده وجعلني مباركا اينما كنت. فتصبح مباركا وسلاما اينما حللت - [00:28:23](#)

وتقيم الجسور بين المسلمين ايضاً في مسألة سد الثغور او سد الفرجة ديت احساس انت ممكن انت تشوف فرجة في الصف بتقول ايه؟ طب ما خلاص غيري يبقى يجي يسدها - [00:28:42](#)

يعني ما الدين ما وقفش علي انا يعني لقيت مسلا كنهضرو بابسط مسال ان حد يأذن في المسجد ان حد يفتح المسجد حد ينصف المسجد حد يحفظ اطفال ان حد - [00:28:58](#)

يعدي على ناس يقول لهم قوموا صلوا حد يتعلم علم معين ابسط الشهور مش قصدي ابسط يعني لا تسوي شيلة عظيمة النبي قال عرضت علي اعمال امتي حتى ازالة الاذى من المسجد تطهير المسجد عمل عظيم. الشاهد - [00:29:17](#)

اقصد انت ممكن تقول ايه يعني انا يعني لو الدين هيقع التفكير بالطريقة دي هو اللي بخلي فعلاً الدين لا يكون وبيخليك انت اول واحد بتخسر عايزين نغير طريقة التفكير. ان الفرجة دي - [00:29:37](#)

لو ما حدش شدها مش هتتسد عايزك نغير طريقة التفكير. انك انت تفكر دايماً لما بتيجي مسلا عايز تتعلم حاجة في العلوم الشرعية فقه مسلا فانت بتتعلم دايماً وانت بتزاور - [00:29:54](#)

دايماً حاطط في ذهنك ايه؟ انا غيري كثير بيزاكروا يعني. يعني لو النهاردة انا ما زاكرتش مش مشكلة. طب بكرة مش مشكلة. طب السنة دي ما زاكرتش؟ مش مشكلة. آآ يعني غيري كثير - [00:30:09](#)

طريقة التفكير دي بتوقع بتوقعك وبتوقع الدين لذلـك كان في مسال جميل جدا في سيرة النبي صلى الله عليه وسلم صلوا عليه كان احد كتاب السيرة بيقول ايه؟ بيقول غزوة حنين - [00:30:19](#)

غزوة احد بيقول الغزوتين حصل فيهم حاجة غريبة جدا. حصل بداية نهاية مختلفة غزوة حنين. البداية كانت هزيمة والنهاية كانت الايه النصر احد العكس الاحد البداية كانت النصر والنهاية كانت الايه؟ الهزيمة. بيقول التحول ده حصل ليه - [00:30:31](#)

هل لان اعداد المشركين زادوا فجأة؟ لأ. هل العدو اتغير؟ لأ. هل المسلمين حصل فيهم تغيير؟ لأ يعني نفس الاعداد ونفس امل التغيير

حصل فين؟ التغيير حصل في النفوس اللي حصل في غزوة حنين - [00:30:53](#)

داخلين بيقولوا ايه بيقولوا ايه وهم داخلين لن نهزم اليوم من قلة. احنا كتير اوي فداخل بنفسية عادي يعني لو انا ما ضربتتش في غيري هيجي يضرب. فكتير قوي احنا كذا الف يعني - [00:31:07](#)

لو انا ما نزلتش افتح المسجد. فيه احنا في المنطقة عشرة اخوة يعني. لو انا ما نزلتش فلان ايه اللي هينزل وايه اللي بيحصل لما بتفكر كده ايه اللي بيحصل؟ المسجد ما بيتفتتحش - [00:31:22](#)

لما بتفكر بطريقة احنا عشرين واحد في المنطقة لتحفيز الاطفال لو انا ما نزلتش غيري كتير اوي هينزل ايه اللي بيحصل الاطفال بيقوا خلاص اطفال شوارع بعد كده وبيضربوك بعد كده - [00:31:36](#)

دي طريقة التفكير لما في اول حنين يفكروا كده قالوا احنا كتير لن نهزم اليوم القلة لما دخلوا بنفسجي هزموا لما فروا النبي صلى الله عليه وسلم نادى على اعيان - [00:31:52](#)

يا اصحاب البيعة يا اصحاب كذا يا اصحاب صورة كذا. نادى على اشخاص. فالكاتب بيقول كلمة ظريفة بيقول ايه؟ فتحول الامر عنده من فرض الكفاية الى فرض العين. فاقبلوا فانتصروا - [00:32:05](#)

داخل حاسس ان هو اللي مسؤول لما دخل بالنية دي انتصر لما تدخل عمل الدين انت مسئول ما تمشيش ما فيش حد وراك. ما فيش حد في ضهرك هتمشي هتقع - [00:32:19](#)

احياناً ده انت دايماً تصور لنفسك عادي فيه غيري كتير ماشي لو انت مضطرب او انا مش بتكلم على حالات الاضطراب. انا بتكلم على الاصول انت لازم وانت بتعمل ان دي لعبة نصره الدين مش لعبة - [00:32:34](#)

مش اصل انا النهاردة ما ليش مزاج اكمل انا جيت ازاكر حاجات معينة او اعلم اكتشفت ان انا ما ليش مزاج انا همشي بقى الموضوع مش مستهوين الموضوع مش كده ابدا - [00:32:48](#)

في حاجات الدين شيخ الاسلام بيقول بتلزم بالشروع يعني ايه تلزم بالشروع؟ يعني في الاول بتبقى مستحبة لما تشرع فيها وتمشي فيها بتبقى واجبة عليك بالرغم ان هي كانت ايه - [00:32:59](#)

مستحبة في الاول زي الحج النفل والعمرة النفل والجهاد النفل في الاول الحاجات دي بتبقى نفل انت حر. لكن بقيت في نص الجهاد ما ينفعش تولد. ما تقولش بقى اصل الجهاد ده اصلاً كان جهاد مستحب والله هو انا جيت هنا غلط - [00:33:13](#)

خلاص انت بقيت ايه او الحج ما ينفعش تمص الحج تقول لا انا ما كنتش اعرف ان الموضوع صعب كده الحاج نافل اقصد مش الفضل بالرغم انه كان نفي طول ما هو كده كده. لأ بيلزم انك تكمله - [00:33:29](#)

واتم الحج والعمرة لله. الاتمام حتى لو فبعض العلماء قاس على ذلك اعمال زي العلم والدعوة في حاجات بتلزمك طالما ربنا علمها لك وشرعت فيها وفتح الله عليك فيها مش بمزاجك تمشي - [00:33:44](#)

مش بمزاجك يعني انت ربنا حفزك القرآن وبدأت تحفز وعملت مجموعات وفيه ناس مرتبطة بك وبدأ دينهم بيقوم عليك مش من حقلك انك تمشي فجأة بدون سبب مش من حقلك - [00:34:02](#)

اصل انا مش من حقلك تحاسب وتساءل امام الله عز وجل. مش بمزاجك تمشي كده فجأة تقول اصل انا مش عايز ده لاصلين انت هنا ده مش من شكر النعمة. انت ما وصلتش للمكان ده بقوتك ده بتوفيق من الله عز وجل. اول ثلاثة ونعوذ بالله منهم. تسعر بهم النار. فيقول الله - [00:34:14](#)

فيعرفهم الله نعمته عليهم فيعرفونها يعني ربنا يقول له انا علمتك؟ يقول له ايوا يبقى ربنا يقول له الاول انا اديتك فيسأله على النعمة فاذا سد الثغور وسد الفرج في الصف - [00:34:33](#)

يحتاج الى احنا عايزين نغير طريقة التفكير من في غيري كتير ما فيش غيري عشان انت تقبل على الفرجة حتى تصل اليها وتسد هذه الفرشة طيب الثاني عشان ما نطولش - [00:34:50](#)

الثاني عمل ايه الثاني بقى ربنا النبي صلى الله عليه وسلم قال عنه ايه؟ فاستحيا قالوا استحيا من ايه بيتكسف من ايه قال له

حاجتين الشراح بعض الناس قال استحيا ان يزاحم وان يبحث عن فرجة - 00:35:06

في شخصية هي ضعيفة مكسوف مش حرك مش عارف هو عايز فعلا بس مش عارف هو صادق يريد ان ينصر الدين حقا بس مش عارف يدور. الاولاني شاطر بيعرف يتحرك ويسأل ويتنطط ولو اتأزى او حد ضايقه مش مشكلة بيكمل ويقوم ونفسيته قوية الثاني نفسيته ضعيفة شوية. وده موجود - 00:35:25

ربنا ما بينسأهوش. طالما صادق ده ممشاش بالرغم انه مش عارف يتصرف يعني هو عارف انا عايزك تتخيل كده هو واقف مش لاقى مكان مكسوف مش عارف يزاحم شايف ناس بتيجي وبتدور وبتزاحم ونفسيتها قوية وبتبحس عن مكان في الصف وبتجلس - 00:35:52

هو كأنه فضل يقول له يا رب انا بحبك وعايز انصر الدين ومش عارف اعمل ايه بس مش ماشي. اختيار ان انا امشي ده مش موجود في الاختيار. لو هفضل واقف كده لغاية لما اموت واقف افضل واقف - 00:36:13

فاستحيا فلم ينسأه الله فاستحيا الله منه قيل استحيا ان يزاحم وقيل استحيا ان ينصرف عن مجلس فيه رسول الله او فيه دين اتكسف ازاي يا رب امشي واسيبه؟ حتى لو مش عارف اعمل ايه؟ ما ينفعش امشي - 00:36:28

اسوأ اختيار انك تمشي لو نخط عنوان لدرس النهاردة ارجوك لا تنصرف. ما تمشيش اسوأ اختيار والمثل المشهور لابن القيم كثيرا ما يذكره بيقول لك تخيل الام لو ضربت ابنها وطردته برة فالابن خرج وقعد يدور على مكان يروح فيه ما لقاش مكان يروح فيه. فقعد قدام البيت يعيط - 00:36:49

فالام فتحت الباب لقت واقف بيعيط فاحتضنته تخيل لو فتحت ما لقيتوش فزعة الباب ومين اللي خسران؟ هو ما لوش غيرها. ولما زل اعلى خليك واقف حتى لو مش لاقى اسوء اختيار انك تمشي. كثير للأسف ان الناس يقول لك ايه - 00:37:16

انا بصراحة التزمت كنت ناوي اختم الدين كنت مدي وقت وده اسر على جزء من دنيتي ما عرفتتش احقق ثغري في الدين ابقى خسرت ديني دنيا؟ لا يا عم انا اروح اشوف دنيتي بقى - 00:37:38

هو من الاول طريقة التفكير دي غلط يعني طريقة التفكير عنده كانت متركبة غلط ما فهمش نفسه صح. طبعا الموضوع كاسقاط على الارض الواقع بيبقى اعقد من كده. احنا بتكلم على تقسيمات عامة - 00:37:52

كل واحد له اختيارات وده بيحتاج صحبة ايمانية عشان تساعد ومشورة وتوفيق من الله عز وجل انا بتكلم على التقسيمات العامة اسوء اختيار انك تمشي. لذلك التالت في رواية ذكرها ابن حجر في الشرح - 00:38:09

التالت هنا عندنا في رواية في البخاري اما اخر واحد فاعرض فاعرض الله عنه. في رواية فاستغنى استغنى الله عنه مش عايز انا ايه اللي اوجع دماغي ليه التاني فضل واقف - 00:38:25

مكسوف مكسوف من ربنا انه يمشي مكشوف ان يطلع الله عليه يلاقيه ما بيدورش على حاجة في الدين يلاقيه اعرض اعطى ظهره لمكان في دين لبية ايمان بيقول له انت بتعمل ايه - 00:38:41

الشغل والحياة انت فين الدين في حياتك في بتروح درس لأ بتحفظ قرآن لأ بتأمر في شغل دعوة ماشي فيه لأ ماشي مع حد في حاجة معينة لأ طب هتكمل ازاي - 00:39:00

طب ما هو ده نوع من انواع الاعراض. ما دي بيئة الايمان اللي النبي صلى الله عليه وسلم قال عليها اوى الى الله يعني تعبير انك من غير بيئة ايمان من غير صحبة من غير مكان تجدد فيه الايمان - 00:39:16

المكان ده بقى درس صحبة صالحة. حفظ القرآن من غير مكان تجدد فيه الايمان. انت بلا مأوى اللي بلا ماء ده يسهل اختطافه بلا مأوى يسهل انه ينتزع في لحزة اي شيء ممكن ينتزعه - 00:39:30

وزيفة حرام مكان يضيع فيه مباحات مبالغ فيها ممكن يضيع في لحزة بلا مأوى اللي من غير بقية ايمان ده استحيا انه يمشي حتى لو مش لاقى مكان يا رب انا هفضل واقف - 00:39:47

لغاية لما يتفتح مكان لغاية لما الاقي فرجة ان شاء الله افضل واقف كده لغاية فجلس خلفهم خلاص انا هفضل قاعد هنا هو مش

ماشي الله عز وجل لم ينسأه - [00:40:04](#)

القصة المشهورة التروة بتاعة حديري لما جه آآ وفد للنبي صلى الله عليه وسلم والنبي صلى الله عليه وسلم اعطى كل واحد منهم

جائزة. ونسي النبي صلى الله عليه وسلم ان يعطي حزيرو - [00:40:17](#)

وانصرف الناس وحديري ما خدش لكن استحي يطلب فسكت ومشي فنزل جبريل على النبي صلى الله عليه وسلم انك نسيت حزيرو

ارسل خلفهم فبعث النبي صلى الله عليه وسلم بسرعة ناس يجيبوهم وادى الايه؟ الحديري - [00:40:30](#)

الجائزة بتاعته ربنا ما انسأهوش ، هو استحي ربنا ما نسأهوش الدايرو لما خد الحجر النبي قال ايه؟ هو مشغول بمعاملة ربنا. فقال

الله كما لم تنس حديرا فاجعل حزيرو لا ينسأك - [00:40:49](#)

الله كما لم تمسح هو ما انشغلش بالحاجة اللي خدها وانشغل بمعاملة ربنا شاهد انه لما استحيا واتكسف في ناس بتعتقد ان هي

بتوه في الزحمة ان في زهور في الدين وناس بتزاحم وبتخبط وممكن اخلاق سيئة من بعض العاملين. فيفتكر انه راح او انه ضحي

بحاجة في الدنيا وما لقاش وما بقاش - [00:41:05](#)

مشهور او ما عملش حاجة في الدين فكده راح لأ ما فيش حاجة اسمها راح دي عند ربنا ما فيش حاجة اسمها كده لما جه من الغزوة

وبيسأله بيكلمه سيدنا عمر بن الخطاب وسيدنا عمر ببسألهم مين اللي ما اللي قتل فلان وفلان وفلان؟ فالراجل بيقول له وفلان وفلان

واخرون - [00:41:26](#)

لا نعرفهم ولا تعرفهم. في ناس في الزحمة كده ما نعرفهمش ولا انت تعرفهم مش مهم بقى هم مين؟ المهم ناس ماتت في الزحمة

فقال عمر لا يضروهم ان عمر لا يعرفه - [00:41:43](#)

ولكن الله يعرفه مش مهم ان اللي قائم على دواء يبقى عارف او ان حد يبقى عارف انت بتعمل ايه. انت ممكن تعتقد ان في ناس

ماتت كده وراحت في الزحمة لأ ما راحتش - [00:41:58](#)

المفروض الواقف جاهد واستحيا ان ينصرف عن واقع الدين لن ينسأه الله زي ما استحيا شف التعبير فاستحيا فاستحيا الله منه دي

بقى ما ما تتشرحش يعني استحي زي اواه الله دي مهما اتكلما ما تتشرحش - [00:42:12](#)

استحيا الله مني شف بقى ربنا يدي له ايه؟ اللي يستحي الله مننا ده ده ربنا يدي له ايه؟ ربنا مش هيرجعه زعلان ابدأ ابدأ يوم القيامة

ده لا يمكن يرجع زعلان - [00:42:31](#)

تخيل ان واحد يبجي يوم القيامة يقول له يا رب انا انا فضلت واقف ما رضيتش امشي ما لقتش وغيري دور وانا كنت ضعيف ربنا

مش هيرجعه زعلان ابدأ. فاستحيا - [00:42:46](#)

استحيا الله منه الاخراني والعايز بالله اختار اسوأ اختيار الاختيار الاول دور وزاحم يسأل ويروح ويتنطط ويدور لغاية اما لقي فرجة

في الصف. بحث عن المكان الفاضي وسد الفرجة الثاني استحيا فاستحيا الله منه. التالت ده هنقوله بعد الاذان باذن الله عز وجل -

[00:42:59](#)

صلى الله عليه وسلم دول اخر اختيار اوآخر واحد فيهم اختار اسوأ اختيار وقف كده من بعيد. لقي الدنيا زحمة انا لسه هزاحم واتعب

قلبي ولو وقفت يعني هقف اعمل ايه - [00:43:26](#)

انا بدي ارواح وبعدين ابقى اجي وقت ثاني فاعرض في رواية خارج البخاري فاستغنى. مش محتاج. يعني هيقول ايه؟ ايه اللي

موجود يعني في الدين يعني فاستغنى الله عنه الانسان - [00:43:46](#)

يحتاج الى بيئة ايمان. يحتاج الى تذكرة. الانسان ينسى ان الايمان النبي صلى الله عليه وسلم يقول صلوا عليه ان الايمان ليخلق ان

يبلى في جوف احدهم كما يبلى الثوب. بيتقطع. لو انت مش كل شوية في وسط - [00:44:05](#)

بيئة ايا كانت تذكرك وتجدد الايمان الايمان هيبلى استغلاء عن بيئة الايمان يضيعها الفارق بين الاولاني بكلمة او كلمة اوي دي زي قول

الله سبحانه وتعالى واما من جاءك يسعى - [00:44:21](#)

وهو يخشى كي يسعى وخايف ويا ترى ايه اللي هيحصل ويا ترى جاي بمشاعر الاقبال مشاعر اللامبالاة في واحد جاي عنده اللامبالاة

في نصره الدين او في العمل لله سبحانه وتعالى او البحث عن صبر - [00:44:42](#)

هذه الله عز وجل يعاملك على قدر نيتك كان احد المشايخ في مجموعة علم طلب علم يقول لهم على قدر اقبالكم على قدر اقبال
على قدر صدق نيتكم يقول لهم - [00:45:01](#)

انت كل ما هتبقى صادق في نيتك ودي حاجة انا ما اعرفهاش هتلاقيني كده ربنا هيخليني معك كده. ده شيء ربنا مطلع عليه كل ما
نيتك تبقى ضعيفة وجاي لا مبالي ونفسك ما تكملش. بالرغم انك انت ظاهريا ما عملتش حاجة. انت بتيجي برضو. لكن كل ما نيتك
تضعف هتلاقي ربنا صرفني عنك - [00:45:23](#)

انت بتعامل ربنا مش بتعامل الشخص الشيخ اللي قدامك انت بتعامل الله سبحانه وتعالى قد سمع الله قول اللاتي تجادلن في في
زوجها وتشتكي الى الله مش وتشتكي اليك بالرغم ان هي بتتكلم مع النبي صلى الله عليه وسلم ان يبقى قلبها متعلق بمين -

[00:45:43](#)

الا فانزل الله الحل هي كانت بتتكلم عن الرسول صلى الله عليه وسلم لكن قلبها كان متعلق بالله. فانزل الله عز وجل الحل لها فارق ما
بين اللي جاي بيعيط نفسه يعمل حاجة للدين - [00:46:00](#)

ولا على الذين اذا ما اتوك لتحملهم قلت لا اجد ما احملكم عليه جايين نفسهم يجاهدوا. بس ما فيش اي آة. فجايين يطلبوا من
النبي صلى الله عليه وسلم. فالنبي صلى الله عليه وسلم قال لهم ايه - [00:46:16](#)

قلت لا اجد ما احملكم عليه. ولا اجد ده يعني يدور ما فيش. تولوا واعينهم ايه الفيضان ده بدون تكلف. هو زعلان فعلا كان نفسه
يعمل حاجة. دول ربنا ما انساهمش - [00:46:31](#)

وقال ان له ما اجر والنبي صلى الله عليه وسلم وهو راجع بعد كل الغزو قال ان بالمدينة اقواما ما سرتهم مسيرا ولسلكتم شعبا الا كانوا
معكم شاركوكم الاجر ربنا ما نساهمش - [00:46:47](#)

لان هم تولوا صادقين واعينهم واعينهم تفيض من الدمع يعيط عشان يشتغل. فيه ناس انت بتعيط لهم عشان يشتغلوا في ايناس
اعينك بتفيض من الدم عشان يعمل حاجة واحدة وهو ما شاء الله على الايه على الثبات - [00:47:00](#)

الشاهد ان في فارق ما بين اللي مقبل ويؤوي جاء اكياس عواشر وبين المعرض واما الاخر فاستحيا فاستحي الله منه واما الاخر
فاعرض وفي رواية فاستغنى فاستغنى الله عز وجل عنه. اذا - [00:47:19](#)

مسألة انك انت تبس عن ثغر من ثغور دين فجوة تصل بها الصفوف لا تقطع الصفوف. لذلك فيه فارق ما بين والذين جاءوا من
بعدهم يقولون ربنا اغفر لنا ها - [00:47:36](#)

اخواننا الذين سبقونا بالايمان. هو عايز يبقى فيه ترابط بين الامم ترابط زماني الناس اللي سبقتنا واشتغلت للدين احنا نيجي ورائهم
نقول ربنا يغفر لهم حتى لو اخطأوا في فارق ما بين شف الفارق ما بين اية ربنا اغفر لنا ولاخواننا الذين سبقونا بالايمان وبين كلما

دخلت امة لعنت اخته - [00:47:50](#)

يعني مش لازم حتى لو اللي قبلك عمل حجر الدين واخطأ ان مش لازم كل ما يجي جيل يلعن في اللي قبله. كده انت بتهدم وبتضطر
انك تبدأ من الصفر - [00:48:14](#)

انت بتخسر في واحد بيبحت عن سد الفجوات واقامة الجسور واقامة الصفوف. وقال النبي صلى الله عليه وسلم صلوا عليه. ما من
خطوة احب الى الله من خطوة تصل بها صفا. اما يبقى فيه - [00:48:25](#)

صف في فجوة انت بتوصله. وقال النبي صلى الله عليه وسلم من وصل صفا وصله الله تخيل لما ربنا يوصلك في حياتك. حياتك
تبقى عاملة ازاى الثاني استحيا فاستحيا الله منه حتى لو مش عارف - [00:48:36](#)

مش لاقى مكان مش آ مش قادر يدور لكن هو الصادق العاجز غير الكاذب يعني عاجز مش عارف يعمل حاجة للدين لكنه صادق.
زي تولوا واعينهم تفيض من الدمع كده. الصادق ده ربنا ما بيضيعوش. لذلك الاخراني - [00:48:53](#)

اللي مشي اخر واحد اللي مشي هذا ليس تصرف الصادقين الصادق ما يستحملش انه يمشي كده عادي ما يستحملش لأ يسأل طب

واخبار ايه طب محتاج ويدور ويفضل واقف ويبحس - [00:49:11](#)

ويدعي ربنا سبحانه وتعالى ان ربنا يستعمله في حاجة واما الاخر فاعرض فاعرض الله عنه وفي رواية فاستغنى فاستغنى الله عنه.
اذا في اعذار مش مقبولة فكرة اصل ما حدش قال لي اصل انا ما حدش عرفني. اصل انا ما حدش شرح لي. اصل انا ما حدش علمني.
اصل انا ما حدش فهمني - [00:49:27](#)

الكلام ده تقوله وانت جوة بيت الايمان مقبول تقولوا وانت قاعد في دنيتك وما بتسألش على اي حاجة في الدين مش مقبول لذل
كان احد شروع حديس لغلام الاخدود بيقول الغلام لما راح اشتكى للراهب قال له اهلي بيضربوني - [00:49:50](#)
الغلام كان بيحي يروح للساحر اهله بيقولوا له لازم تروح تتعلم السحر. وهو رايع للساحر بيعدي على راهب يتعلم الدين. لانه عارف
انه من غير او ربنا قدر له ان من غير ما يمر على بقية ايمان - [00:50:10](#)

هضيع. السحر احنا الان محاطين بالسحر في كل مكان محاط بسحر في كل مكان والفتن والكذب في كل مكان. فلازم في بيئة تجدد
فيها الايمان فكان يعدي على الراهب فيتأخر - [00:50:24](#)

على الساحل. الساحل يضربه يعدي على اهله ويروح متأخر وهو راجع من عند الساحل يعدي على اهله يضربوه. فاشتكى الشرح
بيقول ايه ايه الفارق بين شكوى الباحث فعلا عن حل - [00:50:39](#)

ومن شكوى اللي عايز حد يقول له خلاص ما تعملش يعني في واحد بيحي يشتكي لك مسلا طريقة معينة في حفز القرآن مش
مناسبه او في الدعوة او في واحد صادق فعلا عايز حل. ولو ادبته حل فعلا هيشغل. وفيه واحد بيشتكي عايز يسمع كلمة -

[00:50:54](#)

ايه خلاص ما تعملش بيحي يقول لك اصل انا بس مش عارف اعمل كذا. تقول له خلاص احنا ممكن ما نعملهاش بالطريقة دي. نعملها
بالطريقة دي. يقول لك لا اصل دي برضو فاشلة انا جربتھا. تقول له طب ايه رأيك؟ لا كل ما تيجي تقترح حل من قبل - [00:51:10](#)
اما يسمعه يقول لك ايه مش هينفع. هو هو منتظر كلمة خلاص ما تعملش حاجة. يقول لك ايوة فعلا جربنا كل حاجة وفشل ما فيش
حاجة نافعة في واحد بيحي يشتكي - [00:51:23](#)

هو صادق قل له طب ما تجرب كذا جرب نفسك في كذا يقول لك فعلا انا ما جربتش لو جربت بس هجرب تاني صادق كذلك كل ده
اوا مستحيا كل دي حاجات داخلية. ربنا سبحانه وتعالى اطلع عليها واعلم بها نبيه صلى الله عليه وسلم - [00:51:37](#)
بالرغم ان هم رايعين مجلس النبي صلى الله عليه وسلم زي ما قلنا الا ان هو في معاملة مع ربنا اقبالك على الدين سواء منات الايمان
طلب العلم نصرة الدين. العمل لنصرة دين الله سبحانه وتعالى. كل ده ربنا مطلع على نيتك - [00:51:59](#)

عارف ادي لك على قد نيتك. آوى واستحيا واعرض والتالته في رواية استغنى يعني شف بقى انت وانت جاي فعلا صادت خدوا بالكم
يا جماعة واختم دي ثغور الدين انت دائما مفترض - [00:52:15](#)

لما واحد يسأل اعمل ايه لدين ربنا؟ انت دايم مفترض ان ما فيش حاجة جديدة يا اما كذا يا اما كذا لا ربنا ممكن يخلق لك وزائف
يعني اللي كتب - [00:52:30](#)

باب حصن المسلم الصغير بتاع الازكار وانتشر رياض الصالحين احاديث الامام النووي الكتاب لما بيقوله ان اكثر كتاب بيوزع تقريبا
في احصائية في السعودية ومش فاكرو في بعد المصحف رياض الصالحين - [00:52:41](#)

انت ممكن قبل رياض الصالحين ما يتكتب او قبل حصن المسلم يتكتب هتيجي تكتب كتاب واحد بيكتب كتاب ازكار اعمل ايه
يعني؟ طب ما الدنيا كلها كتبت كتب ازكار وتفترض ان اللي انت دايم الشيطان بيثبطك. يقول لك هتعمل ايه يعني؟ هتحفظ طفل

قرآن؟ يعني جت على الطفل ده - [00:52:59](#)

اه جت على الطفل ده الفرجة دي لو ما حدش صدقها مش هتتسد. ما هو الطفل ده لو انت ما حفظتوش ابنك ده لو انت ما علمتوش
المكان في الصف ده لو انت ما سدتوش ما حدش هيسده غيرك - [00:53:16](#)

لان ربنا جابك في المكان ده فاذا ان اوعى تفكر ان السور خلصت ربنا قادر انه يخلق لك ظرف ومكان معين تعمل فيه للدين لم تسبق

اليه من قبل ويفتح الله عز وجل عليك. نسأل الله عز وجل ان يستعملنا ولا يستبدلنا. اللهم استعملنا ولا تستبدلنا - 00:53:28
اللهم اهدنا واهد بنا واجعلنا سببا لمن اهتدى. اللهم اجعلنا هداة مهتدين. اقول قولي هذا واستغفر الله لي ولكم. سبحانك اللهم
وبحمدك. اشهد ان لا انت استغفرك واتوب اليك واقم الصلاة - 00:53:46
- 00:53:57